

ACTA DA XUNTA DE GOBERNO LOCAL
Sesión do 26 de agosto de 2016

ASISTENTES:

Membros :

D. Abel Caballero Álvarez
D. Carlos López Font
D. Cayetano Rodríguez Escudero.
D^a. Olga Alonso Suárez
D. Angel Rivas González.
D^a. M^a. Isaura Abelairas Rodríguez
D. Jaime Aneiros Pereira.

NON ASISTEN:

D^a M^a. Carmen Silva Rego
D. David Regades Fernández
M^a José Caride Estévez

Invitados

D. José Manuel Fernández Pérez
D^a. Angeles Marra Domínguez

Na Casa do Concello de Vigo, ás dez horas e dez minutos do día vinte e seis de agosto de dous mil dezaseis e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Alonso Suárez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o secretario de Admón. Municipal, Sr. Lorenzo Penela, por ausencia da titular do órgano de apoio á Xunta de Goberno Local, e a interventora xeral, Sr. Hernández Vidal.

A Xunta de Goberno Local adopta os seguintes acordos:

1(840).- RATIFICACIÓN DA URXENCIA.

A Xunta de Goberno ratifica a urxencia da sesión.

2(841).- PROPOSTA DE APROBACIÓN DOS PROXECTOS DE OBRAS DE “ASFALTADO DE VÍAS MUNICIPAIS” -VIGO CENTRO, VIGO ESTE, VIGO SUR E VIGO OESTE. EXPTE. 3218/443.

Examinadas as actuacións do expediente, visto o informe de fiscalización do 24.08.16, dáse conta do informe-proposta de data 18.08.16, asinado polo xefe do Servizo Administrativo e Control Orzamentario, o técnico de Administración Xeral e

xefe da Unidade Administrativa de Alcaldía e polo concelleiro delegado da Área de Fomento, que di o seguinte:

ANTECEDENTES DE FEITO

1. O Alcalde-Presidente en data 5.08.2016 resolveu aprobar o expediente de modificación de crédito 45/16 por transferencia derivado da necesidades do axuste de anualidades en relación con inversións do programa "1532-Pavimentación de vías públicas"

Na mesma incrementouse o crédito da aplicación orzamentaria 15332.210000-Conservación vías e espazos públicos en 1.380.960,50 euros, que xa no orzamento municipal inicial estaba dotada con 1.900.000,00 euros.

A citada modificación ven xustificada na necesidade de facer fronte a catro proxectos de asfaltados de vías municipais:

– Proxecto de "Asfaltado de vías municipais. Vigo Este" cun orzamento de 699.024,48€ (IVE incluído) que comprende un total de 21 camiños/rúas en 5 parroquias e unha lonxitude total de 8.348,89 m.

– Proxecto de "Asfaltado de vías municipais. Vigo Sur" cun orzamento de 593.566,63€ (IVE incluído) que comprende un total de 15 camiños/rúas en 5 parroquias e unha lonxitude total de 7.170,72 m.

– Proxecto de "Asfaltado de vías municipais. Vigo Centro" cun orzamento de 306.089,59€ (IVE incluído) que comprende un total de 3 rúas en 3 parroquias e unha lonxitude total de 1.589,72 m.

– Proxecto de "Asfaltado de vías municipais. Vigo Oeste" cun orzamento de 393.876,86€ (IVE incluído) que comprende un total 11 camiños/rúas en 6 parroquias e unha lonxitude total de 5.678,73 m.

2. Para levar a cabo esta actuación o Concelleiro Delegado de Fomento, por resolución de 07/04/2016, autorizou o contrato menor de servizos e o gasto, por importe de 21.175,00 euros, para redacción de proxecto de renovación en vías municipais a prol da empresa EF Ingenieros s.l.

3. O proxecto presentado por EF Ingenieros S.L., en execución do contrato, redactado polo Enxeñeiro de Camiños, Canles e Portos don Eloy Fernández-Valdés Martínez-Estélez, dividouse para a súa tramitación por lotes nos catros proxectos citados anteriormente.

4. O Enxeñeiro Xefe de Vías e Obras, con datas de Camiños Canais e Portos municipal, con data 7/6/2016, informou que a actuación plantexada no documento borrador a nivel global se considera que cumpre os obxectivos do contrato de redacción, sen entrar a corroborar solucións técnicas específicas, cálculos dimensionais, nin cumprimento de normativa vixente, validados polo técnico firmante do proxecto constructivo.

5. O Xefe da Oficina de Supervisión de Proxectos, con data 12 de agosto de 2016, informa que nos proxectos se tiveron en conta as disposicións xerais de carácter legal e regulamentario e a normativa técnica de aplicación ao proxecto; que os prezos dos materiais e unidades de obra son os adecuados para a execución do contrato de obras; e que o proxecto reúne todos os requisitos esixidos polo Real Decreto legislativo 3/2011, de 14 de novembro, polo que se aproba o Texto Refundido da Lei de Contratos do Sector Público e polo Regulamento Xeral da Lei de Contratos de las Administraciones Públicas.

CONSIDERACIÓNS DE DEREITO

I.- A previsión orzamentaria de contratación da execución das obras obxecto do presente expediente require, como actuación preparatoria, de acordo co artigo 121 TRLCSP, a elaboración, supervisión, aprobación e replanteo do correspondente proxecto de obras.

II.- Os contidos mínimos e esixencias que debe reunir o proxecto de obras e o ámbito da verificación do proxecto de obras, a realizar polas oficinas de supervisión de proxectos especifícanse, nos artigos 123 e 125 TRLCSP e 125 a 137 do regulamento de desenvolvemento, aprobado por Real Decreto 1098/2001, de 12 de outubro.

III.- Os proxectos de obras, segundo resulta dos informes técnicos que obran no expediente, cumpre cos obxectivos da actuación proposta, refírese a unha obra completa e nel tivéronse en conta as disposicións xerais de carácter legal e regulamentario, así como a normativa técnica, de aplicación ao proxecto, tal e como resulta da táboa que figura no informe da Oficina de Supervisión de Proxectos Municipal, na que pormenorizadamente e con indicación da súa concreta ubicación no documento, se especifican os requisitos legais, regulamentarios e técnicos que reúne o proxecto.

IV.- A aprobación do proxecto corresponde ao órgano de contratación (artigo 121 TRLCSP), que, de acordo coa disposición adicional 2ª. 3 TRLCSP, é a Xunta de Goberno Local, previo informe de fiscalización da Intervención Xeral Municipal (artigo 214 TRLRFL).

V.- Aprobado que sexa o proxecto e previamente á tramitación do expediente de contratación da execución da obra, procederase a efectuar o replanteo do mesmo (artigo 126 TRLCSP).

Polo exposto, propónse a Xunta de Goberno Local a adopción do seguinte

ACORDO

Primeiro.- Aprobar o Proxecto de “Asfaltado de vías municipais. Vigo Este” cun orzamento de 699.024,48€ (IVE incluído) redactado polo Enxeñeiro de Camiños, Canales e Portos, D. Eloy Fernández-Valdés Martínez-Estéllez.

Segundo.- Aprobar o Proxecto de “Asfaltado de vías municipais. Vigo Sur” cun orzamento de 593.566,63€ (IVE incluído) redactado polo Enxeñeiro de Camiños, Canales e Portos, D. Eloy Fernández-Valdés Martínez-Estéllez

Terceiro.- Aprobar o proxecto de “Asfaltado de vías municipais. Vigo Centro” cun orzamento de 306.089,59€ (IVE incluído) redactado polo Enxeñeiro de Camiños, Canales e Portos, D. Eloy Fernández-Valdés Martínez-Estéllez.

Cuarto.- Aprobar o proxecto de “Asfaltado de vías municipais. Vigo Oeste” cun orzamento de 393.876,86€ (IVE incluído) redactado polo Enxeñeiro de Camiños, Canales e Portos, D. Eloy Fernández-Valdés Martínez-Estéllez.

Acordo

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás dez horas e quince minutos. Como secretaria dou fé.

me.

O ALCALDE

A CONCELLEIRA-SECRETARIA
DA XUNTA DE GOBERNO LOCAL,

Abel Caballero Álvarez.

Olga Alonso Suárez.